



GARIS PANDUAN STATUS KEWALIAN DALAM PERNIKAHAN

JABATAN MUFTI NEGERI PULAU PINANG

GARIS PANDUAN
**STATUS KEWALIAN
DALAM PERNIKAHAN**



JABATAN MUFTI NEGERI PULAU PINANG

GARIS PANDUAN: STATUS KEWALIAN DALAM PERNIKAHAN

Cetakan Pertama 2023

©Hak Cipta Terpelihara.

Tidak dibenarkan mengeluarkan mana-mana bahagian artikel, ilustrasi dan isi kandungan buku ini dalam apa juga bentuk dan dengan cara apa jua sama ada secara elektronik, mekanikal, fotokopi, rakaman atau cara lain sebelum mendapat izin bertulis dari Jabatan Mufti Negeri Pulau Pinang.

Diterbitkan oleh:

JABATAN MUFTI NEGERI PULAU PINANG

Tingkat 48, KOMTAR, 10000 Georgetown, Pulau Pinang.

Konsep, Reka bentuk dan Cetakan:

CRUCETAK SDN BHD

1744 Simpang Tiga Berapit,
14000 Bukit Mertajam, Pulau Pinang.

Kandungan

Senarai Jadual	ii
Kata Pengantar	iii
Pendahuluan	iv
TUJUAN	1
LATAR BELAKANG	2
OBJEKTIF	4
DEFINISI	5
PERNIKAHAN TANPA PERSETUJUAN WALI BERDASARKAN SITUASI DAN PENDEKATAN	
Pengenalan	6
Situasi dan Pendekatan Pernikahan Tanpa Persetujuan Wali	
Jadual 1: Jadual Situasi Nikah Sendiri (Tanpa Wali)	7
Jadual 2: Situasi Wali Ghaib	10
Jadual 3: Situasi Wali Enggan	16
Jadual 4: Situasi Wali Hakim	30
Jadual 5: Situasi Wali Tidak Tahu	32
Jadual 6: Situasi Pengantin Perempuan Lari Daripada Wali	38
Jadual 7: Situasi Wali Akrab Fasiq	42
Jadual 8: Situasi Wali Khunsa	44
Jadual 9: Situasi Wali <i>Mukhannas</i>	47
Jadual 10: Situasi Wali Sakit Dan Cacat	49
Jadual 11: Situasi Pernikahan <i>Online</i>	53
Jadual 12: Situasi Pernikahan <i>Misyar</i>	56
Kesimpulan	57
Rujukan	58

Senarai Jadual

Jadual 1	Jadual Situasi Nikah Sendiri Tanpa Wali
Jadual 2	Jadual Situasi Wali Ghaib
Jadual 3	Jadual Situasi Wali Enggan
Jadual 4	Jadual Situasi Wali Hakim
Jadual 5	Jadual Situasi Wali Tidak Tahu
Jadual 6	Jadual Situasi Pengantin Perempuan Lari Daripada Wali
Jadual 7	Jadual Situasi Wali Akrab Fasiq
Jadual 8	Jadual Situasi Wali Khunsa
Jadual 9	Jadual Situasi Wali <i>Mukhannas</i>
Jadual 10	Jadual Situasi Wali Sakit dan Cacat
Jadual 11	Jadual Pernikahan <i>Online</i>
Jadual 12	Jadual Pernikahan <i>Misyar</i>

Kata Pengantar

بِسْمِ اللَّهِ الرَّحْمَنِ الرَّحِيمِ

Alhamdulillah, setinggi-tinggi kesyukuran dipanjatkan ke hadrat Allah ﷻ atas nikmat limpah kurnia serta taufik, hidayah dan inayah-Nya maka dapatlah pihak Jabatan Mufti Negeri Pulau Pinang menyusun buku **Garis Panduan Status Kewalian Dalam Pernikahan** untuk rujukan dan bacaan umum masyarakat pelbagai peringkat di negeri ini.

Sesungguhnya kandungan panduan ini telah melalui proses penelitian dan perbincangan oleh ahli-ahli Jawatankuasa Fatwa Negeri Pulau Pinang dan seterusnya diperakukan dalam Mesyuarat Jawatankuasa Fatwa Negeri Pulau Pinang Bil. 2/2022 yang telah bersidang pada 31 Mac hingga 1 April 2022.

Setinggi-tinggi penghargaan kepada para penyelidik dan urus setia atas sumbangan tenaga dan buah fikiran dalam penyediaan dan penerbitan panduan ini. Semoga panduan ini dapat memberikan manfaat dan menjadi panduan kepada semua pihak.

Bahagian Rujukan Maklumat
Jabatan Mufti Negeri Pulau Pinang

Pendahuluan

Pernikahan dalam Islam merupakan suatu ibadah yang merupakan sunnah Rasulullah ﷺ. Tujuan pernikahan disyariatkan oleh Allah ﷻ adalah untuk memberikan ketenangan kepada pasangan suami isteri serta membolehkan mereka hidup berkasih sayang dan saling mengasihani antara satu sama lain. Hal ini telah dijelaskan oleh Allah ﷻ dalam firman-Nya:

﴿وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا
وَجَعَلَ بَيْنَكُمْ مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ
يَتَفَكَّرُونَ ﴿٢١﴾﴾

سورة الروم ٣٠ : آية ٢١

Maksudnya:

Dan antara tanda-tanda yang membuktikan kekuasaannya dan rahmat-Nya, bahwa Ia menciptakan untuk kamu (wahai kaum lelaki), isteri-isteri daripada jenis kamu sendiri, supaya kamu bersenang hati dan hidup mesra dengannya, dan dijadikan-Nya di antara kamu (suami isteri) perasaan kasih sayang dan belas kasihan. Sesungguhnya yang demikian itu mengandung keterangan-keterangan (yang menimbulkan kesedaran) bagi orang-orang yang berfikir.

(Surah al-Rum 30: 21)

Di samping itu, pensyariatan pernikahan juga adalah menepati maqasid syariah iaitu untuk menjaga kehormatan dan keturunan. Melalui pernikahan, seseorang dapat mengelakkan diri daripada terjebak dalam perbuatan maksiat yang dilarang oleh Allah ﷻ. Di samping itu, susur galur keturunan seseorang juga dapat dipelihara daripada berlaku kecelaruan. Keturunan mestilah dijaga kerana ia melibatkan banyak hukum seperti pewarisan harta pusaka, hadanah (penjagaan anak), perwalian dan sebagainya. Hanya pernikahan yang menepati semua rukun dan syarat sah sahaja yang dapat menjaga keturunan dan kehormatan seseorang individu Muslim. Oleh itu, setiap pernikahan yang dijalankan perlulah memenuhi dan menepati semua rukun dan syarat pernikahan yang ditetapkan oleh syarak.

Namun begitu, terdapat banyak kes pernikahan yang berlaku dalam kalangan masyarakat Malaysia yang diuruskan oleh sindiket yang tidak memenuhi rukun pernikahan iaitu tidak mendapat persetujuan pihak wali. Pernikahan ini rata-rata berlaku di luar negara. Akibat pernikahan ini, golongan yang terlibat terpaksa menghadapi pelbagai masalah yang bukan sahaja yang melibatkan hukum syarak malah menyebabkan mereka sukar untuk menjalani kehidupan yang normal dalam masyarakat.

TUJUAN

Panduan ini disediakan bagi tujuan memperjelaskan hukum pernikahan tanpa persetujuan wali dalam pelbagai situasi melalui pendekatan yang berbeza.

LATAR BELAKANG

Setiap pernikahan perlulah memenuhi rukun dan syarat yang telah ditetapkan berlandaskan panduan al-Quran dan Sunnah. Wali merupakan salah satu rukun dalam pernikahan. Namun, terdapat pernikahan berlaku di luar negara dilaksanakan tanpa memenuhi syarat sah wali. Pernikahan tersebut dilakukan tanpa mengikut syarat yang ditetapkan oleh para fuqaha' serta tidak memenuhi prosedur yang telah ditetapkan oleh Enakmen Undang-undang Keluarga Islam (UUKI).

Sehubungan itu, Mesyuarat Jawatankuasa Fatwa Negeri Pulau Pinang Bil. 2/2022 yang bersidang pada 31 Mac hingga 1 April 2022 telah memutuskan bahawa:

- a) Pernikahan seorang perempuan bersama pasangannya di luar negara tanpa pengetahuan dan tanpa mendapat persetujuan wali adalah **fasid berdasarkan pandangan di dalam mazhab Hanafi dan kesahihan nikahnya tertakluk kepada persetujuan wali**;
 - i. Sekiranya perempuan lari dengan sengaja daripada wali; dan
 - ii. Tidak memenuhi syarat wali ghaib atau wali enggan.
- b) Dalam kes pengantin perempuan lari berkahwin disebabkan walinya enggan, maka dia menggunakan wali hakim di tempat lain yang lebih daripada dua marhalah merujuk pendapat dalam kitab *Bughyah al-Mustarsyidin* menyatakan bahawa **perkahwinan tersebut adalah sah**:

...ولو طلبها ابن عمها الكفاء فامتنع وليها، فسافر بها الخاطب
إلى مرحلتين ثم حجَّما عدلاً بتزويجهما ثم أذنت له صح نكاحه
ولا اعتراض عليه.

Maksudnya:

...Jika dia dipinang oleh sepupunya yang sekufu namun
ditentang oleh walinya lalu mereka berdua melarikan diri
sejauh dua marhalah kemudian melantik seorang wali tahkim
yang adil untuk mengahwinkan mereka serta mendapat
keizinan perempuan tersebut maka perkahwinan itu sah
tanpa bantahan.¹

Oleh yang demikian, adalah wajar suatu panduan yang jelas
mengenai pernikahan tanpa persetujuan wali di dalam dan luar
negara dapat diwujudkan agar memenuhi keperluan
masyarakat.

1 A'lawi, Abdul Rahman bin Muhammad bin Hussain bin Umar, (t.t), *Bughyah al-Mustarsyidin fi talkhis fatawa*, Beirut: Dar al-Kutub al-Islamiah, j. 1, h. 252.

OBJEKTIF

Panduan ini diwujudkan bagi mencapai objektif seperti yang berikut:

- a) Memperincikan keputusan Mesyuarat Jawatankuasa Fatwa Negeri Pulau Pinang dengan menggariskan prosedur pernikahan tanpa persetujuan wali dalam pelbagai situasi.
- b) Berperanan sebagai rujukan dan panduan pernikahan tanpa persetujuan wali dalam pelbagai situasi melalui pendekatan yang berbeza.

DEFINISI

Bagi maksud panduan ini:

- a) **“Hukum”** bermaksud peraturan yang dibuat oleh sesuatu kekuasaan (negara dan lain-lain), adat yang dianggap mesti dipatuhi, undang-undang.
- b) **“Nikah”** bermaksud akad (perjanjian) yang mengandungi lafaz ijab dan kabul yang menghalalkan pasangan lelaki dan perempuan melakukan persetubuhan, perkahwinan.
- c) **“Wali”** bermaksud orang yang boleh menikahkan pengantin perempuan.
- d) **“Luar Negara”** bermaksud luar wilayah kekuasaan atau negara.
- e) **“Situasi”** bermaksud keadaan, kedudukan atau suasana sesuatu perkara atau letaknya sesuatu kedudukan.
- f) **“Pendekatan”** bermaksud kaedah, cara, langkah-langkah dan sebagainya yang diambil bagi memulakan dan melaksanakan sesuatu perkara dan urusan.

PERNIKAHAN TANPA PERSETUJUAN WALI BERDASARKAN SITUASI DAN PENDEKATAN

Pengenalan

Situasi yang diketengahkan melibatkan pernikahan yang berlaku di luar negara dan di dalam Malaysia sendiri. Terdapat empat kriteria utama diguna pakai sebagai kerangka analisis dalam usaha mengenal pasti kesahan terhadap status sesebuah pernikahan iaitu situasi, pendekatan nikah yang di implementasi, analisis hukum serta kesimpulan hukum.

Dapatan daripada analisis tersebut menjadi suatu panduan dan pedoman bermanfaat kepada pelbagai pihak terutamanya di bidang perundangan serta penguatkuasaan sistem kekeluargaan di Malaysia agar pernikahan yang didirikan adalah sah di sisi syariat dan perundangan Islam di satu sisi. Pada sisi lain dapat memelihara (dengan sebaiknya) kerukunan sistem kekeluargaan Islam di Malaysia kerana kefahaman yang mendalam terhadap peranan dan status wali dalam pernikahan.

Justeru, perbincangan pada sub topik berikutnya ialah huraian berkenaan analisis kesahan terhadap pelaksanaan sesebuah pernikahan berdasarkan situasi dan pendekatan termaklum. Penghuraian bersifat rinci lagi tuntas dirangka dalam bentuk jadual bagi mempermudah proses analisis selain menjadikan penulisan menjadi lebih teratur, sistematik dan efektif.

Situasi dan Pendekatan Pernikahan Tanpa Persetujuan Wali

Jadual 1: Jadual Situasi Nikah Sendiri (Tanpa Wali)

Situasi 1	Pasangan bermazhab Syafii bermukim dan bernikah di luar negara menggunakan mazhab Hanafi tanpa persetujuan wali kerana enggan.
Pendekatan Nikah	Pengantin perempuan melakukan akad nikah untuk dirinya sendiri.
Analisis Hukum	Penentuan hukum akad nikah ini melibatkan hukum pernikahan tanpa wali dan wali enggan.
Kesimpulan Hukum	Hukum akad nikah yang dilakukan adalah sah sekiranya: 1. Memenuhi semua rukun dan syarat nikah mengikut mazhab Hanafi yang membenarkan pengantin perempuan melakukan akad nikah untuk dirinya sendiri. 2. Pengantin lelaki sekufu dengan pengantin perempuan. Jika pengantin lelaki tidak sekufu dengan pengantin perempuan, wali berhak untuk membantah pernikahan tersebut.

Situasi 2

Pasangan bermazhab Syafii bernikah di dalam negara menggunakan mazhab Hanafi tanpa persetujuan wali kerana enggan.

Pendekatan Nikah

Pengantin perempuan melakukan akad nikah untuk dirinya sendiri.

Analisis Hukum

Penentuan hukum akad nikah ini melibatkan hukum pernikahan tanpa wali dan wali enggan.

Kesimpulan Hukum

Hukum akad nikah yang dilakukan adalah sah sekiranya:

1. Memenuhi semua rukun dan syarat nikah mengikut mazhab Hanafi yang membenarkan pengantin perempuan melakukan akad nikah untuk dirinya sendiri.
2. Pengantin lelaki sekufu dengan pengantin perempuan. Jika pengantin lelaki tidak sekufu dengan pengantin perempuan, wali berhak untuk membantah pernikahan tersebut.

#Walaupun hukum akad nikah ini adalah sah di sisi syarak, namun ia bertentangan dengan praktikal di Malaysia yang berpegang dengan mazhab Syafii. Status pernikahan ini perlu diteliti semula oleh Mahkamah Syariah.

Situasi 3

Pasangan pengantin atau salah seorang pengantin bermazhab Hanafi bernikah di dalam negara mengikut mazhab Hanafi tanpa persetujuan wali kerana enggan.

Pendekatan Nikah

Pengantin perempuan melakukan akad nikah untuk dirinya sendiri.

Analisis Hukum

Penentuan hukum akad nikah ini melibatkan hukum pernikahan tanpa wali dan wali enggan.

Kesimpulan Hukum

Hukum akad nikah yang dilakukan adalah sah sekiranya:

1. Memenuhi semua rukun dan syarat nikah mengikut mazhab Hanafi yang membenarkan pengantin perempuan melakukan akad nikah untuk dirinya sendiri.
2. Pengantin lelaki sekufu dengan pengantin perempuan. Jika pengantin lelaki tidak sekufu dengan pengantin perempuan, wali berhak untuk membantah pernikahan tersebut.

#Walaupun hukum akad nikah ini adalah sah di sisi syarak, namun ia bertentangan dengan praktikal di Malaysia yang berpegang dengan mazhab Syafii. Status pernikahan ini akan diteliti semula oleh Mahkamah Syariah.

Jadual 2: Situasi Wali Ghaib

Situasi 1	Pasangan bernikah tanpa persetujuan wali akrab di dalam negara kerana wali akrab ghaib.
Pendekatan Nikah	Wali Hakim.
Analisis Hukum	Penentuan hukum akad nikah ini melibatkan hukum wali ghaib tidak terputus, wali ghaib terputus dan wali hakim.
Kesimpulan Hukum	Hukum akad nikah yang dilakukan adalah sah jika memenuhi syarat seperti di bawah: 1. Ghaib tidak terputus: Tidak sah akad nikah. 2. Ghaib terputus: Sah akad nikah. 3. Wali hakim: Sah nikah sekiranya: a) Wali hakim dilantik oleh sultan. b) Wali hakim mendapat kebenaran hak perwalian daripada wali hakim di tempat mastautin pengantin perempuan.

Situasi 2

Pasangan bernikah tanpa persetujuan wali akrab di luar negara kerana wali akrab ghaib.

Pendekatan Nikah

Wali Hakim.

Analisis Hukum

Penentuan hukum akad nikah ini melibatkan hukum wali ghaib, wali hakim.

Kesimpulan Hukum

Hukum akad nikah yang dilakukan adalah sah jika memenuhi syarat seperti di bawah:

1. Ghaib tidak terputus: Tidak sah akad nikah.
2. Ghaib terputus: Sah akad nikah.
3. Wali hakim: Sah nikah sekiranya:
 - a) Wali hakim dilantik oleh sultan.
 - b) Wali hakim mendapat kebenaran hak perwalian daripada wali hakim di tempat mastautin pengantin perempuan.

Situasi 3

Pasangan bernikah tanpa persetujuan wali akrab di dalam negara kerana wali akrab ghaib.

Pendekatan Nikah

Wali *Ab'ad*.

Analisis Hukum

Penentuan hukum akad nikah ini melibatkan hukum wali ghaib, wali *ab'ad*.

Kesimpulan Hukum

Hukum akad nikah yang dilakukan adalah tidak sah kerana menggunakan wali *ab'ad*. Namun sah nikah sekiranya:
a) Wali ghaib itu diketahui dengan jelas dan pasti gila atau sudah meninggal dunia.

Situasi 4

Pasangan bernikah tanpa persetujuan wali akrab di luar negara kerana wali akrab ghaib.

Pendekatan Nikah

Wali *Ab'ad*.

Analisis Hukum

Penentuan hukum akad nikah ini melibatkan hukum wali ghaib, wali *ab'ad*.

Kesimpulan Hukum

Hukum akad nikah yang dilakukan adalah tidak sah kerana menggunakan wali *Ab'ad*. Namun sah nikah sekiranya:

1. Wali ghaib itu diketahui dengan jelas dan pasti gila atau sudah meninggal dunia.

Situasi 5

Pasangan bernikah tanpa persetujuan wali akrab di dalam negara kerana wali akrab ghaib.

Pendekatan Nikah

Wali Tahkim.

Analisis Hukum

Penentuan hukum akad nikah ini melibatkan hukum wali ghaib, wali tahkim.

Kesimpulan Hukum

Hukum bernikah menggunakan wali tahkim adalah tidak sah di dalam negara (Malaysia) kerana terdapat wali hakim yang dilantik oleh sultan.

Situasi 6

Pasangan bernikah tanpa persetujuan wali akrab di luar negara kerana wali akrab ghaib.

Pendekatan Nikah

Wali Tahkim.

Analisis Hukum

Penentuan hukum akad nikah ini melibatkan hukum wali ghaib, wali tahkim.

Kesimpulan Hukum

Hukum bernikah menggunakan wali tahkim adalah tidak sah sekiranya terdapat wali hakim di tempat tersebut. Sebaliknya jika tidak terdapat wali hakim yang dilantik di tempat tersebut, maka sah sekiranya wali ghaib yang tidak terputus memberikan keizinan kepada wali tahkim untuk melakukan akad nikah. Sekiranya wali ghaib terputus pengantin perempuan perlu mendapatkan keizinan daripada wali hakim di tempat mastautinnya.

Jadual 3: Situasi Wali Enggan

Situasi 1	Pasangan pengantin bernikah tanpa persetujuan wali di dalam negara kerana wali enggan.
Pendekatan Nikah	Wali Hakim.
Analisis Hukum	Penentuan hukum akad nikah ini melibatkan wali hakim dan wali enggan.
Kesimpulan Hukum	Hukum akad nikah yang dilakukan adalah sah jika memenuhi syarat sah wali seperti di bawah: 1. Wali enggan: sah pernikahan jika pasangan pengantin adalah sekufu. 2. Wali hakim: Sah akad nikah sekiranya: a) Wali hakim dilantik oleh sultan. b) Wali hakim meluluskan keengganan wali nasab. c) Wali hakim mewalikan atau mewakilkan pernikahan.

Situasi 2

Pasangan pengantin bernikah tanpa persetujuan wali di luar negara kerana wali enggan.

Pendekatan Nikah

Wali Hakim.

Analisis Hukum

Penentuan hukum akad nikah ini melibatkan wali enggan dan wali hakim.

Kesimpulan Hukum

- Hukum akad nikah yang dilakukan adalah sah jika memenuhi syarat sah wali seperti di bawah:
1. Wali enggan: sah pernikahan jika pasangan pengantin adalah sekufu.
 2. Wali hakim: Sah akad nikah sekiranya:
 - a) Wali hakim dilantik oleh sultan.
 - b) Wali hakim mendapat kebenaran hak perwalian daripada wali hakim di tempat mastautin pengantin perempuan.

Situasi 3

Pasangan bernikah tanpa persetujuan wali akrab di dalam negara kerana wali enggan.

Pendekatan Nikah

Wali *Ab'ad*.

Analisis Hukum

Penentuan hukum akad nikah ini melibatkan wali *ab'ad* dan wali enggan.

Kesimpulan Hukum

Hukum bernikah menggunakan wali *ab'ad* adalah tidak sah sekiranya wali akrab masih hidup dan waras walaupun dia enggan untuk menjadi wali.

Situasi 4

Pasangan bernikah di luar negara tanpa persetujuan wali akrab kerana enggan.

Pendekatan Nikah

Wali *Ab'ad*.

Analisis Hukum

Penentuan hukum akad nikah ini melibatkan wali *ab'ad* dan wali enggan.

Kesimpulan Hukum

Hukum bernikah menggunakan wali *ab'ad* adalah tidak sah sekiranya wali akrab masih hidup dan waras walaupun dia enggan untuk menjadi wali.

Wali enggan: Sekiranya wali akrab enggan maka yang layak menjadi wali ialah wali hakim.

Situasi 5

Pasangan bernikah tanpa persetujuan wali di dalam negara kerana wali enggan.

Pendekatan Nikah

Wali Tahkim.

Analisis Hukum

Penentuan hukum akad nikah ini melibatkan hukum wali enggan dan wali tahkim.

Kesimpulan Hukum

Hukum bernikah menggunakan wali tahkim adalah tidak sah di dalam negara Malaysia kerana terdapat wali hakim yang dilantik oleh sultan.

Situasi 6

Pasangan bernikah tanpa persetujuan wali di luar negara kerana wali enggan.

Pendekatan Nikah

Wali Tahkim.

Analisis Hukum

Penentuan hukum akad nikah ini melibatkan hukum wali enggan, wali ghaib dan wali tahkim.

Kesimpulan Hukum

Hukum bernikah menggunakan wali tahkim adalah tidak sah sekiranya terdapat wali hakim di tempat tersebut. Sebaliknya jika tidak terdapat wali hakim yang dilantik di tempat tersebut, maka sah sekiranya wali ghaib yang tidak terputus memberikan keizinan kepada wali tahkim untuk melakukan akad nikah.

Situasi 7

Pasangan pengantin bernikah di luar negara tanpa persetujuan wali akrab kerana enggan.

Pendekatan Nikah

Wali susuan.

Analisis Hukum

Penentuan hukum akad nikah ini melibatkan wali enggan dan susuan.

Kesimpulan Hukum

Hukum akad nikah adalah tidak sah kerana hubungan susuan tidak boleh menjadi wali nikah.

Situasi 8

Pasangan bernikah tanpa persetujuan wali di luar negara kerana wali nasab fasiq dan tidak bersetuju (enggan) dengan calon pengantin lelaki.

Pendekatan Nikah

Wali hakim.

Analisis Hukum

Penentuan hukum akad nikah ini melibatkan hukum wali nasab fasiq, wali enggan, wali ghaib dan wali hakim.

Kesimpulan Hukum

- Hukum akad nikah yang dilakukan adalah sah jika memenuhi syarat sah wali seperti di bawah:
1. Wali nasab fasiq: Sah akad nikah yang dilakukan oleh wali nasab fasiq.
 2. Wali enggan: Sah sekiranya pengantin lelaki sekufu dengan pengantin perempuan. Jika pengantin lelaki tidak sekufu dengan pengantin perempuan, wali berhak untuk membantah pernikahan tersebut.
 3. Wali Ghaib tidak terputus: Tidak sah akad nikah.
 4. Wali Ghaib terputus: Sah akad nikah.
 5. Wali Hakim: Sah akad nikah sekiranya:
 - a) Wali hakim dilantik oleh sultan.
 - b) Wali hakim mendapat kebenaran hak perwalian daripada wali hakim di tempat mastautin pengantin perempuan.

Situasi 9

Wali mujbir sudah meninggal dunia. Pasangan bernikah di luar negara tanpa persetujuan abangnya kerana enggan.

Pendekatan Nikah

Wali hakim.

Analisis Hukum

Penentuan hukum akad nikah ini melibatkan wali akrab, wali enggan dan wali hakim.

Kesimpulan Hukum

Wali akrab: Abang telah mengambil tempat wali mujbir. Walau bagaimanapun abang tidak berhak memaksa pengantin perempuan untuk bernikah dengan pilihannya.

Hukum akad nikah yang dilakukan adalah sah jika memenuhi syarat sah wali seperti di bawah:

1. Wali enggan:

Sah sekiranya pengantin lelaki sekuflu dengan pengantin perempuan. Jika pengantin lelaki tidak sekuflu dengan pengantin perempuan, wali berhak untuk membantah pernikahan tersebut.

2. Wali hakim: Sah akad nikah sekiranya:

a) Wali hakim dilantik oleh sultan.

b) Wali hakim mendapat kebenaran hak perwalian daripada wali hakim di tempat mastautin pengantin perempuan.

Situasi 10

Pasangan bernikah tanpa persetujuan wali di luar negara kerana wali akrab enggan.

Pendekatan Nikah

Wali hakim fasiq.

Analisis Hukum

Penentuan hukum akad nikah ini melibatkan hukum wali enggan, wali ghaib dan wali hakim yang fasiq.

Kesimpulan Hukum

Hukum akad nikah yang dilakukan adalah sah jika memenuhi syarat sah wali seperti di bawah:

1. Wali enggan:
Sah sekiranya pengantin lelaki sekufu dengan pengantin perempuan. Jika pengantin lelaki tidak sekufu dengan pengantin perempuan, wali berhak untuk membantah pernikahan tersebut.
2. Wali Ghaib tidak terputus:
 - a) Tidak sah akad nikah.
 - b) Wali Ghaib terputus: Sah akad nikah.
3. Wali hakim fasiq: Sah nikah sekiranya:
 - a) Wali hakim dilantik oleh sultan.
 - b) Wali hakim mendapat kebenaran hak perwalian daripada wali hakim di tempat mastautin pengantin perempuan.

Situasi 11

Pasangan bernikah tanpa persetujuan wali di luar negara kerana wali akrab enggan.

Pendekatan Nikah

Wali hakim khunsa.

Analisis Hukum

Penentuan hukum akad nikah ini melibatkan hukum wali enggan, wali ghaib, wali hakim yang khunsa.

Kesimpulan Hukum

Hukum akad nikah yang dilakukan adalah sah jika memenuhi syarat sah wali seperti di bawah:

1. Wali enggan: Sah sekiranya pengantin lelaki sekufu dengan pengantin perempuan. Jika pengantin lelaki tidak sekufu dengan pengantin perempuan, wali berhak untuk membantah pernikahan tersebut.
2. Wali Ghaib tidak terputus: Tidak sah akad nikah.
3. Wali Ghaib terputus: Sah akad nikah.
4. Wali hakim yang khunsa: Sah akad nikah sekiranya:
 - a) Wali hakim dilantik oleh sultan.
 - b) Wali hakim mendapat kebenaran hak perwalian daripada wali hakim di tempat mastautin pengantin perempuan.
 - c) Wali hakim ialah khunsa *ghayru musykil* yang jelas tanda kekelakiannya.

Situasi 12

Pasangan bernikah tanpa persetujuan wali akrab di luar negara kerana wali enggan.

Pendekatan Nikah

Wali hakim *mukhannas*.

Analisis Hukum

Penentuan hukum akad nikah ini melibatkan hukum wali enggan, wali ghaib, wali hakim yang *mukhannas*.

Kesimpulan Hukum

Hukum akad nikah yang dilakukan adalah sah jika memenuhi syarat sah wali seperti di bawah:

1. Wali enggan:
Sah sekiranya pengantin lelaki sekufu dengan pengantin perempuan. Jika pengantin lelaki tidak sekufu dengan pengantin perempuan, wali berhak untuk membantah pernikahan tersebut.
2. Wali Ghaib tidak terputus: Tidak sah akad nikah.
3. Wali Ghaib terputus: Sah akad nikah.
4. Wali hakim *mukhannas*: Sah akad nikah sekiranya:
 - a) Wali hakim dilantik oleh sultan.
 - b) Wali hakim mendapat kebenaran hak perwalian daripada wali hakim di tempat mastautin pengantin perempuan.

Situasi 13

Pasangan bernikah tanpa persetujuan wali nasab *mukhannas* di luar negara kerana wali enggan.

Pendekatan Nikah

Wali hakim.

Analisis Hukum

Penentuan hukum akad nikah ini melibatkan hukum wali akrab yang *mukhannas*, wali ghaib, wali enggan dan wali hakim.

Kesimpulan Hukum

Hukum bernikah menggunakan wali hakim adalah tidak sah sekiranya:

1. Tidak mendapat keizinan wali hakim tempat mastautin perempuan.
2. Pengantin lelaki tidak sekufu dan dibuktikan oleh wali akrab *mukhannas*.

Hukum bernikah menggunakan wali hakim adalah sah sekiranya:

1. Wali hakim dilantik oleh sultan.
2. Wali hakim yang melakukan akad nikah mendapat keizinan daripada wali hakim tempat perempuan bermastautin.
3. Pengantin lelaki sekufu dengan pengantin perempuan.

#Wali *mukhannas* layak menjadi wali.

Situasi 14

Pasangan bernikah tanpa persetujuan wali akrab yang *mukhannas* di luar negara kerana wali enggan.

Pendekatan Nikah

Wali *ab'ad*.

Analisis Hukum

Penentuan hukum akad nikah ini melibatkan hukum wali akrab yang *mukhannas*, wali *ab'ad*, wali hakim dan wali enggan.

Kesimpulan Hukum

Hukum bernikah menggunakan wali *ab'ad* adalah tidak sah kerana:

1. Wali akrab *mukhannas* layak menjadi wali.
2. Tidak mendapat keizinan wali akrab *mukhannas* untuk menggantikannya.
3. Wali *ab'ad* tidak layak menjadi wali selagi wali *mukhannas* masih hidup.
4. Tidak mendapat keizinan wali hakim di tempat mastautin pengantin perempuan.
5. Pengantin lelaki tidak sekufu dan dibuktikan oleh wali akrab *mukhannas*.

Jadual 4: Situasi Wali Hakim

Situasi 1	Pengantin perempuan mualaf bernikah dengan pasangannya di luar negara tanpa persetujuan wali hakim.
Pendekatan Nikah	Wali tahkim.
Analisis Hukum	Penentuan hukum akad nikah ini melibatkan wali tahkim.
Kesimpulan Hukum	Hukum akad nikah yang dilakukan adalah tidak sah kerana tidak mendapat persetujuan daripada wali hakim tempat mastautin atau mukim pengantin perempuan.

Situasi 2

Pengantin perempuan mualaf bernikah dengan pasangannya di dalam negara tanpa persetujuan wali hakim.

Pendekatan Nikah

Wali tahkim.

Analisis Hukum

Penentuan hukum akad nikah ini melibatkan wali tahkim dan pengantin perempuan melarikan diri.

Kesimpulan Hukum

1. Hukum akad nikah yang dilakukan adalah tidak sah kerana tidak mendapat persetujuan daripada wali hakim tempat mastautin atau mukim pengantin perempuan.
2. Hukum bernikah menggunakan wali tahkim adalah tidak sah di dalam negara (Malaysia) kerana terdapat wali hakim yang dilantik oleh sultan.

Jadual 5: Situasi Wali Tidak Tahu

Situasi 1	Pasangan bermusafir lebih daripada dua marhalah di dalam negara dan semasa perjalanan mereka bernikah tanpa memberitahu kepada wali.
Pendekatan Nikah	Wali tahkim.
Analisis Hukum	Penentuan hukum akad nikah ini melibatkan hukum wali hakim, wali enggan, wali ghaib dan wali tahkim.
Kesimpulan Hukum	Hukum bernikah menggunakan wali tahkim adalah tidak sah sekiranya: 1. Terdapat wali hakim di tempat tersebut. 2. Tidak mendapat keizinan daripada wali akrab. 3. Tidak mendapat keizinan wali hakim jika wali akrab ghaib terputus atau enggan. Hukum bernikah menggunakan wali tahkim adalah sah sekiranya: 1. Tidak terdapat wali hakim yang dilantik di tempat tersebut. 2. Wali ghaib yang tidak terputus memberikan keizinan kepada wali tahkim untuk melakukan akad nikah. 3. Wali ghaib terputus pengantin perempuan perlu mendapatkan keizinan daripada wali hakim di tempat mastautinnya.

Situasi 2

Pasangan bermusafir lebih daripada dua marhalah di luar negara dan semasa perjalanan mereka bernikah tanpa memberitahu kepada wali.

Pendekatan Nikah

Wali tahkim.

Analisis Hukum

Penentuan hukum akad nikah ini melibatkan hukum wali tahkim.

Kesimpulan Hukum

Hukum bernikah menggunakan wali tahkim adalah tidak sah sekiranya:

1. Terdapat wali hakim di tempat tersebut.
2. Tidak mendapat keizinan daripada wali akrab.
3. Tidak mendapat keizinan wali hakim jika wali akrab ghaib terputus atau enggan.

Hukum bernikah menggunakan wali tahkim adalah sah sekiranya:

1. Tidak terdapat wali hakim yang dilantik di tempat tersebut.
2. Wali ghaib yang tidak terputus memberikan keizinan kepada wali tahkim untuk melakukan akad nikah.
3. Wali ghaib terputus pengantin perempuan perlu mendapatkan keizinan daripada wali hakim di tempat mastautinnya.

Situasi 3

Pasangan bermukim di luar negara kerana melanjutkan pengajian dan bernikah tanpa memberitahu kepada wali.

Pendekatan Nikah

Wali tahkim.

Analisis Hukum

Penentuan hukum akad nikah ini melibatkan hukum wali tahkim.

Kesimpulan Hukum

Hukum bernikah menggunakan wali tahkim adalah tidak sah sekiranya:

1. Terdapat wali hakim di tempat tersebut.
2. Tidak mendapat keizinan daripada wali akrab.
Tidak mendapat keizinan wali hakim jika wali akrab ghaib terputus atau enggan.

Hukum bernikah menggunakan wali tahkim adalah sah sekiranya:

1. Tidak terdapat wali hakim yang dilantik di tempat tersebut.
2. Wali ghaib yang tidak terputus memberikan keizinan kepada wali tahkim untuk melakukan akad nikah.
3. Wali ghaib terputus pengantin perempuan perlu mendapatkan keizinan daripada wali hakim di tempat mastautinnya.

Situasi 4

Pasangan yang bermukim dan bernikah di luar negara tanpa persetujuan wali akrab kerana wali tidak diberitahu.

Pendekatan Nikah

Wali tahkim fasiq.

Analisis Hukum

Penentuan hukum akad nikah ini melibatkan hukum wali ghaib dan wali tahkim.

Kesimpulan Hukum

Hukum bernikah menggunakan wali tahkim fasiq adalah tidak sah sekiranya:

1. Terdapat wali hakim di tempat tersebut.
2. Tidak mendapat keizinan daripada wali akrab.
3. Tidak mendapat keizinan wali hakim jika wali akrab ghaib terputus atau enggan.

Hukum bernikah menggunakan wali tahkim fasiq adalah sah sekiranya:

1. Tidak terdapat wali hakim yang dilantik di tempat tersebut.
2. Wali ghaib yang tidak terputus memberikan keizinan kepada wali tahkim untuk melakukan akad nikah.
3. Wali ghaib terputus pengantin perempuan perlu mendapatkan keizinan daripada wali hakim di tempat mastautinnya.

Situasi 5

Pasangan yang bermukim dan bernikah di luar negara tanpa persetujuan wali nasab kerana tidak diberitahu.

Pendekatan Nikah

Wali tahkim khunsa.

Analisis Hukum

Penentuan hukum akad nikah ini melibatkan hukum wali ghaib, wali enggan, wali tahkim yang khunsa.

Kesimpulan Hukum

Hukum bernikah menggunakan wali tahkim khunsa adalah tidak sah sekiranya:

1. Wali tahkim ialah khunsa musykil.
2. Terdapat wali hakim di tempat tersebut.
3. Tidak mendapat keizinan daripada wali akrab.
4. Tidak mendapat keizinan wali hakim jika wali akrab ghaib terputus atau enggan.

Hukum bernikah menggunakan wali tahkim khunsa adalah sah sekiranya:

1. Wali tahkim ialah khunsa *ghayru* musykil yang jelas tanda kekelakiannya.
2. Tidak terdapat wali hakim yang dilantik di tempat tersebut. Wali ghaib yang tidak terputus memberikan keizinan kepada wali tahkim untuk melakukan akad nikah.
3. Wali ghaib terputus pengantin perempuan perlu mendapatkan keizinan daripada wali hakim di tempat mastautinnya.

Situasi 6

Pasangan bermukim dan bernikah tanpa persetujuan wali akrab di luar negara.

Pendekatan Nikah

Wali tahkim *mukhannas*.

Analisis Hukum

Penentuan hukum akad nikah ini melibatkan hukum wali ghaib, wali enggan, wali tahkim yang *mukhannas*.

Kesimpulan Hukum

Hukum bernikah menggunakan wali tahkim *mukhannas* adalah tidak sah sekiranya:

1. Terdapat wali hakim di tempat tersebut.
2. Tidak mendapat keizinan daripada wali akrab.
3. Tidak mendapat keizinan wali hakim jika wali akrab ghaib terputus atau enggan.

Hukum bernikah menggunakan wali tahkim *mukhannas* adalah sah sekiranya:

1. Tidak terdapat wali hakim yang dilantik di tempat tersebut.
2. Wali ghaib yang tidak terputus memberikan keizinan kepada wali tahkim untuk melakukan akad nikah.

Wali ghaib terputus pengantin perempuan perlu mendapatkan keizinan daripada wali hakim di tempat mastautinnya.

Jadual 6: Situasi Pengantin Perempuan Lari Daripada Wali

Situasi 1	Pasangan bernikah tanpa persetujuan wali akrab di luar negara kerana perempuan lari (ghaib) daripada wali.
Pendekatan Nikah	Wali hakim.
Analisis Hukum	Penentuan hukum akad nikah ini melibatkan hukum wali hakim, perempuan lari (ghaib) daripada wali.
Kesimpulan Hukum	Hukum akad nikah yang dilakukan adalah tidak sah kerana: 1. Pengantin perempuan lari daripada wali yang masih wujud. 2. Tiada kesulitan untuk berhubung dengan wali. 3. Tiada keengganan daripada pihak wali akrab. 4. Bernikah menggunakan wali hakim di luar negara tanpa mendapat keizinan daripada wali akrab atau wali hakim di tempat bermukim atau mastautin pengantin perempuan tersebut.

Situasi 2

Pasangan bernikah tanpa persetujuan wali di dalam negara (Malaysia) kerana pengantin perempuan lari daripada wali.

Pendekatan Nikah

Wali tahkim.

Analisis Hukum

Penentuan hukum akad nikah ini melibatkan wali tahkim.

Kesimpulan Hukum

Hukum bernikah menggunakan wali tahkim adalah tidak sah di dalam negara Malaysia kerana terdapat wali hakim yang dilantik oleh sultan.

Situasi 3

Pasangan bernikah tanpa persetujuan wali di luar negara Malaysia kerana pengantin perempuan lari daripada wali.

Pendekatan Nikah

Wali tahkim.

Analisis Hukum

Penentuan hukum akad nikah ini melibatkan wali tahkim.

Kesimpulan Hukum

Hukum akad nikah yang dilakukan adalah tidak sah kerana:

1. Pengantin perempuan lari daripada wali yang masih wujud.
2. Tiada kesulitan untuk berhubung dengan wali.
3. Tiada keengganan daripada pihak wali akrab.
4. Bernikah menggunakan wali tahkim di luar negara tanpa mendapat keizinan daripada wali akrab atau wali hakim di tempat bermukim atau mastautin pengantin perempuan tersebut.

Situasi 4

Pasangan bernikah tanpa persetujuan wali di dalam negara kerana menggunakan juru nikah dari luar negara.

Pendekatan Nikah

Wali tahkim (juru nikah luar negara).

Analisis Hukum

Penentuan hukum akad nikah ini melibatkan hukum wali tahkim.

Kesimpulan Hukum

Hukum akad nikah yang dilakukan adalah tidak sah kerana:

1. Pengantin perempuan lari daripada wali yang masih wujud.
2. Tiada kesulitan untuk berhubung dengan wali.
3. Tiada keengganan daripada pihak wali akrab.
4. Bernikah menggunakan wali tahkim (juru nikah) dari luar negara tanpa mendapat keizinan daripada wali akrab atau wali hakim di tempat bermukim atau mastautin pengantin perempuan tersebut.

Jadual 7: Situasi Wali Akrab Fasiq

Situasi 1	Pasangan bernikah tanpa persetujuan wali di luar negara kerana wali akrab fasiq.
Pendekatan Nikah	Wali <i>ab'ad</i> .
Analisis Hukum	Penentuan hukum akad nikah ini melibatkan wali akrab fasiq dan wali <i>ab'ad</i> .
Kesimpulan Hukum	Hukum bernikah menggunakan wali <i>ab'ad</i> adalah tidak sah kerana: 1. Wali akrab fasiq layak menjadi wali. 2. Tidak mendapat keizinan wali akrab fasiq untuk menggantikannya. 3. Wali <i>ab'ad</i> tidak layak menjadi wali selagi wali akrab masih hidup dan waras.

Situasi 2

Pasangan bernikah tanpa persetujuan wali di luar negara kerana wali akrab fasiq.

Pendekatan Nikah

Wali hakim.

Analisis Hukum

Penentuan hukum akad nikah ini melibatkan wali akrab fasiq dan wali hakim.

Kesimpulan Hukum

Hukum akad nikah yang dilakukan adalah tidak sah kerana :

1. Wali akrab fasiq layak menjadi wali.
2. Tidak mendapat keizinan wali akrab fasiq untuk menggantikannya.
3. Wali hakim tidak layak menjadi wali selagi wali akrab fasiq masih hidup.
4. Wali ghaib tidak terputus.

Hukum akad nikah yang dilakukan adalah sah sekiranya:

1. Wali ghaib terputus.
2. Wali hakim dilantik oleh sultan.
3. Wali hakim mendapat kebenaran hak perwalian daripada wali hakim di tempat mastautin pengantin perempuan.

Jadual 8: Situasi Wali Khunsa

Situasi 1	Pengantin perempuan bernikah tanpa persetujuan wali di luar negara kerana wali akrab khunsa.
Pendekatan Nikah	Wali hakim.
Analisis Hukum	Penentuan hukum akad nikah ini melibatkan hukum wali akrab yang khunsa, wali ghaib dan wali hakim.
Kesimpulan Hukum	Hukum bernikah menggunakan wali hakim adalah tidak sah sekiranya: 1. Wali akrab ialah khunsa <i>ghairu</i> musykil. 2. Tidak mendapat keizinan daripada wali akrab khunsa <i>ghairu</i> musykil. 3. Tidak mendapat keizinan wali hakim tempat mastautin perempuan jika wali akrab ghaib terputus atau enggan. Hukum bernikah menggunakan wali hakim adalah sah sekiranya: 1. Wali akrab khunsa musykil. 2. Wali akrab ghaib terputus, maka pengantin perempuan perlu mendapatkan keizinan daripada wali hakim di tempat mastautinnya. 3. Wali hakim yang melakukan akad nikah mendapat keizinan daripada wali hakim tempat perempuan bermastautin.

Situasi 2

Pasangan bernikah tanpa persetujuan wali akrab yang khunsa di luar negara kerana wali enggan.

Pendekatan Nikah

Wali hakim.

Analisis Hukum

Penentuan hukum akad nikah ini melibatkan hukum wali akrab yang khunsa, wali enggan, wali ghaib dan wali hakim.

Kesimpulan Hukum

Hukum bernikah menggunakan wali hakim adalah tidak sah sekiranya:

1. Wali akrab ialah khunsa ghairu musykil, jelas kekelakiannya.
2. Tidak mendapat keizinan daripada wali akrab khunsa *ghairu* musykil.
3. Tidak mendapat keizinan wali hakim tempat mastautin perempuan jika wali akrab ghaib terputus atau enggan.
4. Pengantin lelaki tidak sekufu dan dibuktikan oleh wali akrab.

Hukum bernikah menggunakan wali hakim adalah sah sekiranya:

1. Wali akrab khunsa musykil.
2. Wali akrab ghaib terputus, maka pengantin perempuan perlu mendapatkan keizinan daripada wali hakim di tempat mastautinnya.
3. Wali hakim yang melakukan akad nikah mendapat keizinan daripada wali hakim tempat perempuan bermastautin.
4. Pengantin lelaki sekufu dengan pengantin perempuan.

Situasi 3

Pasangan bernikah tanpa persetujuan wali di dalam negara kerana wali akrab khunsa.

Pendekatan Nikah

Wali *ab'ad*.

Analisis Hukum

Penentuan hukum akad nikah ini melibatkan hukum wali akrab yang khunsa dan wali *ab'ad*.

Kesimpulan Hukum

Hukum bernikah menggunakan wali *ab'ad* adalah tidak sah sekiranya:

1. Wali akrab ialah khunsa *ghairu* musykil, yang jelas kekelakiannya.
2. Tidak mendapat keizinan daripada wali akrab khunsa *ghairu* musykil.
3. Tidak mendapat keizinan wali hakim tempat mastautin perempuan jika wali akrab ghaib terputus atau enggan.

Hukum bernikah menggunakan wali *ab'ad* adalah sah sekiranya:

1. Wali akrab khunsa musykil.

Jadual 9: Situasi Wali *Mukhannas*

Situasi 1	Pengantin perempuan bernikah tanpa persetujuan wali di luar negara kerana wali akrab <i>mukhannas</i> .
Pendekatan Nikah	Wali hakim.
Analisis Hukum	Penentuan hukum akad nikah ini melibatkan hukum wali akrab <i>mukhannas</i> , wali ghaib dan wali hakim.
Kesimpulan Hukum	Hukum bernikah menggunakan wali hakim adalah tidak sah sekiranya: 1. Wali akrab <i>mukhannas</i> layak menjadi wali. 2. Tidak mendapat keizinan daripada wali akrab <i>mukhannas</i>. 3. Wali ghaib tidak terputus. Hukum bernikah menggunakan wali hakim adalah sah sekiranya: 1. Wali akrab <i>mukhannas</i> memberi keizinan. 2. Wali akrab ghaib terputus, maka pengantin perempuan perlu mendapatkan keizinan daripada wali hakim di tempat mastautinnya. 3. Wali hakim yang melakukan akad nikah mendapat keizinan daripada wali hakim tempat perempuan bermastautin.

Situasi 2

Pasangan bernikah tanpa persetujuan wali di dalam negara kerana wali akrab *mukhannas*.

Pendekatan Nikah

Wali *ab'ad*.

Analisis Hukum

Penentuan hukum akad nikah ini melibatkan hukum wali akrab *mukhannas* dan wali *ab'ad*.

Kesimpulan Hukum

Hukum bernikah menggunakan wali *ab'ad* adalah tidak sah sekiranya:

1. Wali akrab *mukhannas* layak menjadi wali.
2. Tidak mendapat keizinan daripada wali akrab *mukhannas* untuk menggantikannya.

Jadual 10: Situasi Wali Sakit Dan Cacat

Situasi 1	Pasangan bernikah tanpa persetujuan wali di luar negara kerana wali akrab sedang sakit kronik dan tidak sedarkan diri.
Pendekatan Nikah	Wali hakim.
Analisis Hukum	Penentuan hukum akad nikah ini melibatkan hukum wali <i>ab'ad</i> dan hakim.
Kesimpulan Hukum	Wali akrab hilang kelayakan untuk menjadi wali dan hak perwalian berpindah kepada wali <i>ab'ad</i>. Hukum bernikah menggunakan wali hakim adalah tidak sah sekiranya: 1. Tidak mendapat keizinan daripada wali <i>ab'ad</i>. 2. Wali <i>ab'ad</i> boleh dihubungi. Hukum bernikah menggunakan wali hakim adalah sah sekiranya: 1. Wali <i>ab'ad</i> memberi keizinan. 2. Wali <i>ab'ad</i> ghaib terputus, maka pengantin perempuan perlu mendapatkan keizinan daripada wali hakim di tempat mastautinnya. 3. Wali hakim yang melakukan akad nikah mendapat keizinan daripada wali hakim tempat perempuan bermastautin.

Situasi 2

Pasangan bernikah tanpa persetujuan wali di luar negara kerana wali akrab sedang sakit kronik dan tidak sedarkan diri.

Pendekatan Nikah

Wali tahkim.

Analisis Hukum

Penentuan hukum akad nikah ini melibatkan hukum wali *ab'ad* dan tahkim.

Kesimpulan Hukum

Wali akrab hilang kelayakan untuk menjadi wali dan hak perwalian berpindah kepada wali *ab'ad*.

Hukum bernikah menggunakan wali tahkim adalah tidak sah sekiranya:

1. Terdapat wali hakim di tempat tersebut.
2. Tidak mendapat keizinan daripada wali *ab'ad*.
3. Tidak mendapat keizinan wali hakim jika wali *ab'ad* ghaib terputus atau enggan.

Hukum bernikah menggunakan wali tahkim adalah sah sekiranya:

1. Tidak terdapat wali hakim yang dilantik di tempat tersebut.
2. Wali *ab'ad* ghaib tidak terputus memberikan keizinan kepada wali tahkim untuk melakukan akad nikah.
3. Jika wali *ab'ad* ghaib terputus, pengantin perempuan perlu mendapatkan keizinan daripada wali hakim di tempat mastautinnya.

Situasi 3

Pasangan pengantin bernikah di luar negara tanpa persetujuan wali akrab kerana cacat (buta, pekak atau bisu) dan masih waras serta memahami bahasa isyarat.

Pendekatan Nikah

Wali hakim.

Analisis Hukum

Penentuan hukum akad nikah ini melibatkan hukum wali akrab cacat (buta, pekak atau bisu) dan hakim.

Kesimpulan Hukum

Hak perwalian wali akrab yang cacat (buta, pekak atau bisu) yang masih waras serta memahami bahasa isyarat adalah kekal sebagai wali dan tidak berpindah kepada mana-mana wali lain.

Hukum bernikah menggunakan wali hakim adalah tidak sah sekiranya:

1. Wali akrab layak menjadi wali.
2. Tidak mendapat keizinan daripada wali akrab.
3. Wali ghaib tidak terputus.

Hukum bernikah menggunakan wali hakim adalah sah sekiranya:

1. Wali akrab memberi keizinan.
2. Jika wali akrab ghaib terputus, maka pengantin perempuan perlu mendapatkan keizinan daripada wali hakim di tempat mastautinnya.
3. Wali hakim yang melakukan akad nikah mendapat keizinan daripada wali hakim tempat pengantin perempuan bermastautin.

Situasi 4

Pasangan pengantin bernikah di luar negara tanpa persetujuan wali akrab kerana cacat (terencat akal/lembam).

Pendekatan Nikah

Wali hakim.

Analisis Hukum

Penentuan hukum akad nikah ini melibatkan hukum wali akrab cacat (terencat akal/lembam) dan hakim.

Kesimpulan Hukum

Wali akrab hilang kelayakan untuk menjadi wali dan hak perwalian berpindah kepada wali *ab'ad*.

Hukum bernikah menggunakan wali hakim adalah tidak sah sekiranya:

1. Tidak mendapat keizinan daripada wali *ab'ad*.
2. Wali *ab'ad* boleh dihubungi.

Hukum bernikah menggunakan wali hakim adalah sah sekiranya:

1. Wali *ab'ad* memberi keizinan.
2. Wali *ab'ad* ghaib terputus, maka pengantin perempuan perlu mendapatkan keizinan daripada wali hakim di tempat mastautinnya.
3. Wali hakim yang melakukan akad nikah mendapat keizinan daripada wali hakim tempat perempuan bermastautin.

Jadual 11: Situasi Pernikahan *Online*

Situasi 1	Pasangan bernikah tanpa persetujuan wali di dalam negara secara <i>online</i> dengan berwali hakim dari luar negara.
Pendekatan Nikah	Wali hakim luar negara.
Analisis Hukum	Penentuan hukum akad nikah ini melibatkan hukum wali hakim.
Kesimpulan Hukum	Hukum bernikah pasangan yang berada di dalam negara secara <i>online</i> dengan wali hakim di luar negara adalah tidak sah kerana: 1. Pengantin perempuan berada di dalam wilayah negerinya. 2. Tidak mendapat keizinan daripada wali akrab yang berada dalam wilayah perempuan. 3. Menggunakan wali hakim luar negara yang tidak mendapat keizinan daripada wali atau wali hakim tempat mastautin perempuan.

Situasi 2

Pasangan bernikah tanpa persetujuan wali di dalam negara secara *online* kerana wali akrab ghaib.

Pendekatan Nikah

Wali hakim.

Analisis Hukum

Penentuan hukum akad nikah ini melibatkan hukum wali ghaib tidak terputus, wali ghaib terputus dan wali hakim.

Kesimpulan Hukum

Hukum akad nikah yang dilakukan adalah sah jika memenuhi syarat seperti di bawah:

1. Ghaib tidak terputus: Tidak sah akad nikah.
2. Ghaib terputus: Sah akad nikah.
3. Wali hakim adalah sah nikah sekiranya:
 - a) Wali hakim dilantik oleh sultan.
 - b) Wali hakim mendapat kebenaran hak perwalian daripada wali hakim di tempat mastautin pengantin perempuan.

#pernikahan secara *online* dengan mengikut rukun dan syarat nikah adalah sah.

Situasi 3

Pasangan bermukim di luar negara kerana melanjutkan pengajian dan bernikah secara *online* tanpa memberitahu kepada wali.

Pendekatan Nikah

Wali tahkim di luar negara.

Analisis Hukum

Penentuan hukum akad nikah ini melibatkan hukum wali tahkim.

Kesimpulan Hukum

Hukum bernikah menggunakan wali tahkim adalah tidak sah sekiranya:

1. Terdapat wali hakim di tempat tersebut.
2. Tidak mendapat keizinan daripada wali akrab.
3. Tidak mendapat keizinan wali hakim jika wali akrab ghaib terputus atau enggan.

Hukum bernikah menggunakan wali tahkim adalah sah sekiranya:

1. Tidak terdapat wali hakim yang dilantik di tempat tersebut.
2. Wali ghaib yang tidak terputus memberikan keizinan kepada wali tahkim untuk melakukan akad nikah.
3. Wali ghaib terputus pengantin perempuan perlu mendapatkan keizinan daripada wali hakim di tempat mastautinnya.

Jadual 12: Situasi Pernikahan Misyar

Situasi 1	Pasangan bernikah secara misyar tanpa persetujuan wali di dalam negara kerana wali enggan.
Pendekatan Nikah	Wali hakim.
Analisis Hukum	Penentuan hukum akad nikah ini melibatkan hukum wali hakim.
Kesimpulan Hukum	Hukum bernikah pasangan secara <i>misyar</i> sah sekiranya mendapat kelulusan daripada hakim. Sekiranya hakim membenarkan perkahwinan ini wali mestilah menikahkan wanita tersebut dengan pasangannya. Jika berlaku keengganan daripada pihak wali, hak perwalian akan berpindah kepada hakim setelah dibuktikan keengganan tersebut

Kesimpulan

Secara kesimpulannya, daripada perbincangan di atas didapati bahawa isu utama ialah pernikahan yang dilaksanakan oleh pasangan pengantin tanpa kebenaran wali nikah sama ada di luar Malaysia mahupun dalam negara. Ia melibatkan sejenis pernikahan iaitu pengantin perempuan yang menikahi dirinya sendiri tanpa pengetahuan wali atau tiada kebenaran daripada walinya.

Selain itu, terdapat lapan jenis wali dalam pernikahan: wali ghaib, wali enggan, wali hakim, wali tidak tahu, pengantin perempuan lari daripada wali, wali akrab fasiq, wali khunsa dan wali *mukhannas*. Selain itu terdapat juga pernikahan *online* dan *misyar* yang menjadi pilihan masyarakat ketika melaksanakan pernikahan. Dalam banyak keadaan yang berlaku ialah pendekatan nikah menggunakan wali hakim dan terdapat juga yang mendapat khidmat nikah daripada wali tahkim.

Rujukan

A'lawi, Abdul Rahman bin Muhammad bin Hussain bin Umar, (t.t), *Bughyah al-Mustarsyidin fi talkhis fatawa*, Beirut: Dar al-Kutub al-Islamiah.



Diterbitkan oleh :

JABATAN MUFTI NEGERI PULAU PINANG

Tingkat 48, KOMTAR, 10000 Pulau Pinang

Tel : 04 263 2975 Faks : 04 263 2985

Web : <http://mufti.penang.gov.my>

Emel: mufti@penang.gov.my